

Segun Comunicado di Rudy Lampe di RED

Partido Red Democrático ta presenta su plan di legalisacion responsabel di cannabis



ORANJESTAD-- Partido Red Democrático tin e plan pa discriminacion y legalisacion di cannabis na Aruba. Nos plan di discriminacion a corto plaso ta cu lo no tin persecucion penal mas pa motibo di uzo personal di cannabis y cu test di trahadonan pa uzo di cannabis lo bira ilegal. E proyecto di ley pa legalisa cannabis ta uno di caracter serio, y pa e motibo aki, e meser wordo regula na un manera responsabel y na beneficio di nos pais Aruba. E proyecto di ley aki ta nace for di e ehemp-

el nan di Uruguay y Hulanda. Na nos Madre Patria Hulanda cannabis ta legal mientras cu na Aruba e ta ilegal. Enfrenta e problematica di droga, for di un punto di bista represivo, solamente a hiba na fracaso. KIA ta yen y den e ultimo 30 añanan e guerra contra droga a fracasa barbarsamente. Pasa un ley asina lo duna polis oportunidad pa uza nan tempo y recursonan miho. Polis por bay enfoca mas tempo riba crimen nan violento y debilita cartelnan Internacional di narcotrafico na Aruba cu ta de-

pende di e benta di cannabis. Lo crea un Instituto di Regulacion y Control di Cannabis Arubano, cu na su turno lo supervisa henter e proceso. Na e instituto aki tin representacion di: Ministerio di Salubridad Publico, Ministerio di Asuntonan Social, Ministerio di Agricultura, Cria y Pesca, y Ministerio di Enseñanza. E lo ta e organismo encarga cu regulacion y lo genera informacion pa un evaluacion permanente. Pa por controla e mercado na un manera eficiente, lo introduci un sistema di permiso: permiso pa Produccion, permiso pa Comercialisacion y permisionan di Abastecimento Personal lo wordo otorga. Permisionan pa Produccion industrial, ta autorisa e establecimiento pa produci cannabis pa industria medicinal of otro tipo di industria. Tambe lo autorisa nan pa produci Hemp, un tipo di Cannabis NO-psycotropico pa uso industrial. Uzo nan industrial di cannabis ta entre otro; Papel, Hempcrete, Textil y Bio-combustible manera

Ethanol y Bio-Diesel. Permisionan pa comercialisacion, lo autorisa luga nan unda kofie shopnan por wordo estableci y duna nan autorisacion pa benta di cannabis. Y permisionan pa Abastecimento Personal cu lo autorisa e individuo pa por tin acceso na cannabis den 4 manera: Auto cultivo, e ley ta permiti cultivo domestico di te cu 5 mata; Clubnan di Cannabis, lo por cultiva den grupo, un cantidad di mata proporcional na e club su miembronan; Koffie shop Autorisa, caminda e individuo por cumpra te cu 5 gram pa dia; Cannabis Medicinal, cu autorisacion di Ministerio di Salubridad Publico. Otro reglanan ta cu benta lo ta terminantemente prohibi na menornan di edad, tambe lo tin cancionnan pa e su nan cu produci mas cu 5 mata sin autorisacion. Y mescos cu sigaria, consumo den luga nan publico, lo ta prohibi. Tur esaki ta forma parti di e ley pa Regulacion Responsabel na Aruba, cu ta forma parti di e campaña di Partido Red Dem-

ocratico, Lista Blanco.

Door di separa e mercado di droga pisa for di cannabis, bo ta reduci e ganashi di Cartelnan Internacional di Narcotrafico na Aruba substancialmente. Na su luga, sociedad Arubano lo haya recursonan valioso cu ta bay wordo uza pa Educacion, pa Campañanan di Conscientisacion, pa Salubridad Publico y pa programanan di rehabilitacion di Adiccion na droganan pisa na Aruba mes.

Legalisacion Responsabel lo sigura e calidad y siguridad di e producto pa es nan cu scoge pa uzo. Aparte di esey, Legalisacion Responsabel lo aumenta nos turismo cu 1 miyon turista, e lo crea centenares di trabaonan bon paga. Tambe lo genera un aumento substancial den entradanan di belasting, yudando baha e MEGA DEBE.

E lucha pa legalisacion responsabel, ta un partido so ta duna bo e, den e siguiente eleccion vota Partido Red, LISTA BLANCO. □